



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CCXVI. Confirmatio quarumdam Constit. Fr. Ord. Minorum de Observantia.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

Dato dal nostro Palazzo Apostolico Vaticano questo di XXVI. Marzo MDCCXXIX.

BENEDICTUS PP. XIII.

CCXV.

Conceditur Indulgentia Monachis, & Monialibus Ordinis Carthusianorum ad instar visitantium septem Ecclesias Urbis.

Alia hujus Const. ed. 1728. Apr. 6. P. 4. concessa fuit Indulgentia plenaria perpetua Monialibus totius Orbis in die earum velationis, benedictionis, & consecrationis.

Dat. 27. Apr. 1729. An. 5.

BENEDICTUS PAPA XIII.

Dilectis Filiis Monachis, ac dilectis in Christo Filiabus Monialibus, Novitiis, Conversis, & Donatis Ordinis Carthusianorum, ubicumque existentium, salutem, & Apostolicam Benedictionem.

Concessio prædictæ Indulg.

§. 1. AD augendam vestram devotionem, & Animarum salutem caelestibus Ecclesiae Thesauris pia charitate intenti vobis omnibus, & singulis vere poenitentibus, & confessis, ac sacra Communione refectis, qui, & quæ semel in hebdomada decies Orationem Dominicam, & toties Salutationem Angelicam in Oratorio vestri Domicilii devote recitaveritis, & ibi pro Christianorum Principum concordia, Hæresum extirpatione, ac Sanctæ Matris Ecclesiae exaltatione pias ad Deum preces effuderitis, qua vice prædictarum id egeritis, ut eas omnes, & singulas Indulgentias, & peccatorum remissiones, ac si septem Almæ Urbis nostræ intra, & extra illius muros Ecclesias ad id designatas personaliter, & devote visitaretis, tenore præsentium misericorditer in Domino concedimus, & indulgemus.

Clausula.

§. 2. Non obstante regula nostra de non concedendis Indulgentiis ad instar cæterisque contrariis quibuscumque. Præsentibus ad decennium tantum valituris. Volumus autem quod si pro impetratione, præsentatione, admissione seu publicatione præsentium aliquid, vel minimum detur, aut sponte oblatum recipiatur præsentibus nullæ sint, quodque præsentium transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem prorsus fides adhibeatur, quæ adhiberetur ipsis præsentibus, si forent exhibitæ, vel ostensæ.

Datum Beneventi sub Annulo Piscatoris die XXVII. Aprilis MDCCXXIX. Pontificatus Nostri Anno Quinto.

CCXVI.

Confirmantur quædam Constitutiones Fratrum Ordinis Minorum Sancti Francisci de Observantia.

Alia hujus Const. ed. 1727. Jun. 20. P. 4. confirmatur quoddam Decr. Min. Generalis eorumdem Fratrum, & Const. ed. 1730. Jan. 29. P. 6. confirmantur quædam Decreta Capituli Generalis.

Dat. 2. Maji 1729. An. 5.

BENEDICTUS PAPA XIII.

Ad perpetuam rei memoriam.

Exordium.

AD Pastoralis dignitatis fastigium meritis licet imparibus, divina dispositione evecti illa, quæ pro felici, prosperoque Religiosorum Ordinum uberes bonorum operum fructus in Ecclesia Dei assidue proferre satagentium guber-

nio, & progressu provide constituta, & ordinata esse noscuntur, ut firma semper, atque inviolabilia persistant, Apostolici muniminis Nostri patrocinio, cum id a Nobis petitur, libenter constabilimus.

§. 1. Exponi siquidem Nobis nuper fecit Dilectus Filius Josephus Maria ab Eborâ Procurator Generalis Ordinis Fratrum Minorum Sancti Francisci de observantia nuncupatorum, quod pro salubri totius Ordinis hujusmodi illiusque Fratrum Regimine, & directione diversæ Constitutiones in Capitulo Generali ipsius Ordinis novissime videlicet anno 1723. in hac Alma Urbe celebrato, cui felic. record. Innocentius Papa XIII. Prædecessor Noster præfedit, editæ, ac subinde jussu Nostro a Venerabili Fratre Nostro Laurentio Episcopo Tusculano Corfino Ordinis præfati apud nostram Sedem Apostolicam Protectore, & bon. mem. Laurentio, dum vixit, Sanctæ Romanæ Ecclesiæ Cardinalibus Cozza nuncupatis revisæ, ac per eos in meliorem, clarioremque formam redactæ fuerunt.

Nonnullas Constitutiones in Capite Gen. novissime Romæ celebrato emanasse referuntur.

§. 2. Cum autem, sicut eadem Expositio subjungebat, prædictus Josephus Maria Procurator Generalis illas pro firmiori earum subsistentia exactiorique observatione Apostolicæ Confirmationis Nostre patrocinio communiti summo opere desideret: Nos ipsius Josephi Mariæ Procuratoris Generalis votis hac in re, quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, Constitutiones prædictas in iis tantum, quæ Sacris Canonibus, Concilii Tridentini Decretis, Constitutionibusque, & Ordinationibus Apostolicis, præsertim Reformationem dicti Ordinis, illiusque Fratres Reformatos, seu Recollectos, vel Discalceatos nuncupatos quomodolibet concernentibus, & quancumque editis non adversantur, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, omnesque, & singulos juris, & facti defectus, si qui desuper quomodolibet intervenerint supplemus.

Preces Procuratoris Generalis.

Confirmatio Constitutionum prædd.

§. 3. Decernentes easdem præsentibus literas, ac Constitutiones, ut præfertur, editas semper firmas, validas, & efficaces existere, & fore suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. In contrarium facien. non obstan. quibuscumque.

Clausula.

Datum Beneventi sub Annulo Piscatoris die II. Maji MDCCXXIX. Pontificatus Nostri Anno Quinto.

Confirmatur Constitutio Urbani VIII. super prohibitionem deferendi habitus Ordinis Minorum de Observantia.

CCXVII.

Laudata Urb. VIII. Const. hic inserta edita est 1638. Oct. 5. P. 16.